

IZAN ZAITEZ KOFRADE!



Cofradía Penitencial de la Santa Eucaristía

GARIZUMA

Hiru dira, Garizumako, Elizak gomendatzen dituen jarduerak: limosna, otoitza eta baraua. Horiek dira biderik egokienak gure bihotza prestatzeko, biziaren norabidea benetan aldatu eta Pazkoa pozik ospatzeko.

Limosnak eteten du egoismoaren (dena niretzat eta niretzat bakarrik... eta nireentzat) gurpil zoroa.

Otoitzak gogorarazten digu kreatzailea dela Jainkoa, eta ukan dezakegun eta geure bezala har dezakegun guztiaren emaila dela hura; geure segurantz, ondasun materialetan oinarritua, erlatibizatzen du otoitzak.

Barauak geure premia oinarrizkoen kontrola itzultzen digu; koloka jartzen du gauzarik inportanteena egunero jatea delakoa.

Berrogei egun hauetan ondo zaindu beharreko hiru alberdi dira, alde horietatik erasotzen baitugu etsaiak. Jarrera egokia, beraz, geure burua hornitzea da, gudua ez galtzeko.

Aste Santua hasiko da



info@cofradiasantaeucaristia.com

www.cofradiasantaeucaristia.com



@santaeucaristia



Cofradía Santa Eucaristía



Santa Eucaristía

1. Igandea (otsailak 18)

Has 9,8-15. Sal 24. Pe 3,18-22. Mk 41,12-15.

ARGI ETA BIDE

Iluna da nigan nagusi,
baina zugan argia da;
bakarrik nago,
baina zuk ez nauzu uzten;
lagunik gabe nago,
baina laguntza dut nik zugan;
larri nago,
baina bakea dut nik zugan;
atsekabeak nau dominatzen,
baina zuk pazientzia duzu zeugan;
ez ditut ulertzen zure bideak,
baina zuk ezaguna duzu niretzat bidea.

Dietrich Bonhoeffer



Erramu igandea (martxoak 25)

Is 50,4-7. Sal. 21. Fil 2,6-11. Mk 14, 1-15, 47.

GORDE IEZADAZU HAUR BIHOTZ BAT

Andre Maria, Jaikoaren Ama, gorde iezadazu haur-bihotz bat, garbi eta gardena iturburu bate antzo. Emadazu bihotz xume bat, tristurarik gozatuko ez duena, bihotz handia besteri eskaini ahal izateko, samurra errukian, bihotz leial eta zabala, on egite bat ere ahaztuko ez duena, kalte batengatik gorrotorik izango ez duena.

Emadazu bihotz mantso eta apal bat, maiteko duena trukean eskatu gabe, pozik noiz ezkutatuko den jainkozko zure Semearen bihotzean, bihotz handi eta heziekin bat bestearen inolako esker txarrengatik itxiko ez dena, inolako axola ezagatik nekatuko ez dena, bihotz beroa Jesu Kristoaren aintzaz, zauritua haren maitasunez, soilik zeruan sendatuko den zauriaz.



Leonce de Grandmaison, SJ

5. Igandea (martxoak 18)

Je 31,31-34. Sal. 50. Heb 5,7-9. Jn 12,20-33.

Jauna, arren eskatzen dizut, aparta dezazula ningandik zugandik ni eta nigandik zu erauzten, bereizten eta urruntzen nauen oro.

Aparta ezazu nigandik zikoitz eginte nauena, lehor egiten nauena, zurrun, nahasi, adoregabe egiten nauen oro, duingabe egiten nauena zu bisitan etortzeko, zuk ni zentzarazteko, zuk ni maitatzeko eta zuk ni ongi maitatzeko.

Erruki zaitez nitaz, Jauna, erruki zaitez nitaz beti eta aparta ezazu nigandik zu ikustea, zuri entzutea, zutaz gozatzea, zu sentitzea, zu ukitzea, zu neurekin izatea eta zurekin gozatzea eragozten didan guztia.



San Pedro Fabro, SJ

2. Igandea (otsailak 25)

Has 22, 1-2. 9a. 10-13. 15-18. Sal 115. Rom 8,31b-34. Mk 9,1-9.

ZUK NAHI DUZUNA

Zuk nahi duzuna, Jauna

izan bedi zuk nahi duzuna.


Nahi baduzu barre egin dezadan arrosa artean egunsentiko goizeko distira inguruan, izan bedi zuk nahi duzuna.

Nahi baduzu arantza artean odola gal dezadan betiko gauaren hautemanezikeo itzalen inguruan, izan bedi zuk nahi duzuna.

Eskerrak, nahi baduzu begira dezadan, eskerrak, nahi baduzu itsutu nadin, eskerrak guztiagatik eta ezerezgatik.

Zuk nahi duzuna, Jauna
izan bedi zuk nahi duzuna.

Juan Ramon Jiménez



3. Igandea (martxoak 4)


Irt. 20, 1-17. Sal. 18. 1Ko 1,22-25. Jn 2,13-25.

Ene Jesus: lagundu iezadazu zure usain gozoa zabaltzen, nora-nahi noala; blaitu ezazu nire arima zeure espirituaz eta zeure biziaz; barnera zaitez nire izate osoan eta jabetu zaitez hartaz, nire bizia aurrerantzean zurearen dirdira baizik izan ez dadin.

Geldi zaitez ene bihotzean batasunik handienez, nirearekin harremanak izango dituzten arimek nigan zure presentzia nabari dezaten, eta, niri begiratzean, ni naizela ahaztu eta zugar baizik pentsa ez dezaten.

Geldi zaitez nirekin. Horrela, besteentzat argi bihurtu ahal izango naiz. Argi hori, oi Jauna, zugandik da dena; haren izpietako bakar bat ere ez da nirea.

Doi-doi izango naiz zure tresna bat, arimak zuk argi ditzazun, ni bitarteko naizela. Utzidazu zu goresten atsegingarriena zaizun moduan: neure esku-argia pizturik eramanez, beste arima batzuen bidean iluna desegiteko.



Utzidazu zure hitza hots egiten hitzik gabe... Neure etsenpluaz, neure tiramen-indarrez, nire egintzen natura gaindiko eraginez, nire bihotzak zutaz sentitzen duen maitasunaren begi-bistako indarrez.

Jonh Henry Newman, dohatsua

4. Igandea (martxoak 11)

2 Kro 36,14-16.19-23. Sal. 136. Ef 2,4-10. Jn 3, 14-21.

Zu bakarrik, Jesus. Jesus, ene Jainkoa, ene salbatzailea, ene adiskidea, ene bihotzeko adiskidea, ene bihotza, ene txera: Hemen natorkizu, esateko, ene bihotzaren barnekoenetik eta ahal dudan egiazaletasun eta txerarik handienarekin, ez dela munduan tira egiten didan ezer, zu bakarrik baizik, ene Jesus. Ez ditut nahi munduko gauzak. Ez dut kontsolatu nahi sorkariekin. Guztiaz eta neure buruaz husmea nahi dut soilik, zu bakarrik maitatzeko. Zuretzat, Jauna, nire bihotz osoa, berorren sentimenduak, berorren txera guztiak, berorren samurtasun guztiak.



Oi Jauna! Ez naiz nekatuko zuri esatez: ez dut nahi zure maitasuna baizik, zure konfiantza baizik. Hitzematen dizut, zin egiten, Jauna, beti entzungo ditudala zure inspirazioak, beti biziko dudala zure biziera bera. Hitz egidazu sarri-sarri arimaren hondo-hondean eta eskatu iezadazu asko eta asko; zin degizut zure bihotzagatik, beti egingo dudala zure nahia, txikiena nahiz gogorrena delarik ere.

Nolatan ukatzen ahal dizut ezer, ene bihotzak kontsolamendu bakarra baitu zain egotea hitz bat zure ahotik noiz aterako, zure gustua asetzeko?

Pedro Arrupe, SJ